

New Era

02.10.2009

Ozombara zOvakwena nOvaherero mazezeri omatupa yeye Mukambundu - by Irene Hoaes

OTJOMUISE - Ozombara zOvakwena nOvaherero zatie okuhina okupaka ovikongo vo vyuru vyoo ihe noo ina mbata movita kuna ovimbumba vyo varwe vehi rOvandoitji mo 1904-1908.

Ozombara nova kongorere vazo zeri pura kutja omatupa inga yetuwe mozonganda zombwikiro yovinenge vyo makuruhungi naye hapakwa kEtjo rOzombande poo poruveze rwarwe kangamwa. Ondiero indji yatjivisirwa pomatuiiro wominwe kembo korutuu romihoko imbi aviyevari muro mumuna ondiero yozombara zomihoko imbi ohunga novikongo vyo vyuru imbi. Orutuu indui maruyandjwa ko Ministeri yOmitanda, Otjiungura tjOtjiwana tjOmarongerisiro wOmitanda, Omanyando nOmbazu ngu meru kapitisa kOmbongarero yOzoministera wina ndji tjiukwa otjo Kabineta. "Omakuruhungi yetu kayesere okupakwa, ovo vakondua ovyuru ovandu avehe ama vetarere nu munao [omatupa inga]otji tuasere wina okuyetua pona ovandu avehe pu maveyemunu,"^Å,^Å ombwi ombuuri oumune wOmbara Kuaima Riruako wOuhonapare wOmbazu wOvaherero.

Omihoko aviyevari imbi mavivanga kutja ovikongo vyo vyuru imbi vikotorwe tjiyeri 28 ku Kambundu mo 2010. Tjiyari 28 ku Kambundu mo 1908 ovandu voviwana imbi otji vapandurwa motumbo tuo hangauti nondatumisire tuo huurire yehi rOvandoitji mo Namibia, oruveze indo ndaa ritjiukuwa otjo German S^Åf^Æ'^Å,^Å¼dwes Afrika, okutoroka ousupi ndumakuzu rari ehi rOvandoitji. "Ihi otjirairiso tjongutukiro nonguturiro yovati vetu,"^Å,^Å Utjiua Muiinjangu okanepo kokomiti ohovekwa oyandja ndunge motjitiro otjitjandja kozombara motjina ihi watja.

Omihoko imbi mo makotokero wo matupa inga mauzeri okuyenda kehi rOvandoitji okukara no vyombazu ngunda ayehiya kotorwa konganda. Otja kozombara zOvakwena nOvaherero, omatupa inga yasere okukotoka puna ondjivisiro aihe ohunga nawo tjimuna kutja ovikongo imbi ovyo vakendu kutja ovyo Vakwena, Ovaherero? Ovyo vandu ovanene poo ovanatje, ovakazendu poo ovarumendu nawina otjiwondo tjavo nokutja vaziriire pi mo Namibia no mana yawo yari oo katjikwaye?

Onongo yOvandoitji Eugene Fischer waningirire ovikongo vyo vyuru imbi oku katjitira ko ongondononeno okuyauza ourizemburuka wo kutja ovakwera va Europa vena ouruvi ouwa pu imbo va Africa poo indee.

Riruako komurungu wa nai waningirire kutja omaraisiro wongondononeno indji wina yekotoke puna ovikongo vyo viuru imbi. "Tuamuna kutja mapeya kangamwa ondjemeno yetu aihe aihazuvakwa motjikando tjimwe nu munao otji tua ningira okomiti oyandja ndunge yovivawana vyetu aviyevari okuhakaena kuna Otjirata tjOvirimatua vyo Tjiwana,"^Å,^Å Muiinjangu waweza ko.

Oviwana imbi kehi yozombara zao mumwari David Frederick wOvakwena imba ova !Aman //Aes, Hendrina Afrikaner wova Afrikanera, PSM Kooper wo va //Khau-/oan//Aes, Jo^Åf^Æ'^Å,^Å¼ Stephanus wa Vaalgrasa, Orata Hage Louw w ova /Hai-/Gaseb//Aes Oritjaine otji vavya hakaenene mOtjomusie kehi yorukupu mbivya kuta mokukawondja pamwe motjina tjtjisuta. Ombara Riruako muzarwe ozengi wari puna ozombara inda:

omutize wotjihave tjojiuru tjoUhonapare wOvaherero, Tumbee Tjombe, Ndura Metirapi, Alex Kaveru na Usuiel Kambirongo. Wina omutjangererpo wouhonapare imbwi, Unotjari Katjimune opari.

Ongurova indji, nombatero yokomiti ohovekwa oyandja ndunge, ozombara za tokererwe amaze korokoha etupa rorutuu ro tjina tjoma kototorero wovikongo vyo vyuru ndua rongerisiwa iyo komiti yao oyandja ndunge motjisuta. Mo komiti indji okuza kOkomiti yOtjitiro Otjindjandja mwari omutize wayo, Festus Muundjua, omuhaamise wOviharero vyayo, Muinjangu no mutjangerepo wayo, Roswitha Kandjii. Munda imbo warwe onunepo wo komiti indji yari okanepo kOmbongarero yOtjiwana, Ida Hofmanna na Naomi Kisting.

Mehungi re roku korisa ovahaame mo mbongarero indji, Ombara Frederick waraisire ohepero nouna makuruhungi wayo otjo mukambo warwe wo komurungu pokati koviwana aviyevari imbi motjiposa tjao tjojtisuta kuna ohoromende yOvandoitji. Watjere omaitaverero wohoromende yOvandoitji okukatora omatupa wovakuru vomihoko imbi otjiraaisiro tjokutja maiyende amaizuva zuva no kutaviza koruuro rozo ndekurona zaimba ohoromende ndjari moruveze indo mbuya nyanyaura. Munao otjeri ohepero oviwana imbi oku kaondja pamwe mo kutjangurura omakuruhungi wavyo.

Watjere eye otjiposa tjoma tupa otjina tjahingi natjo ozombura nu nandarire ombura ndjazuko pomazemburukiro wozombura esere rondiro yaihe omukururume, Cornelius Frederick, wotjiuru wina tjtjatuarewa kehi rOvandoitji, eye waningira kutja tjikotoke. Eye nambano wamuna kutja nangwari katjiuru tjaihe omunene atjyerike tjtjatuarewa kehi rOvandoitji nungwari pena vyarwe ovingi otji maweza vyo ku iho otjaihe wina. Posi ihi otjina oviwana imbi mbivyasere oku tjisekamena tjimwe nu pamwe mena rokutja tjivyatjiti nao otjingura ihi tjtjasewako tjojtisuat matjirire otjipupu. Ombara Frederick wina waraisire ohepero yohoromende ya Namibia oku vezemburuka motjina tjo makotorero wo matupa inga. Watjere eye tjazuva kutja ohoromende iripurira ko ku kapaka omatupa inga kEtjo rOzombande, eye wahinda orutuu ko Ministera Ondenga okuraisa ouzeu we muyo okuritiera otjina ihi. Watjere ohoromende ya Namibia ina otjiungura tjo kuwanisa oviwana mbikondja notjisuta tjombindu yo vati vavyo kuna ohoromende yOvandoitji.

Mo ma korisiro we Ombara Riruako warakizire kutja pe kengezwe novandu ve hakahanise omakotorero womatupa inga tjimanga kutja ohoromende yOvandoitji tji maikahara ourizemburuka waro wokutjiza tjandje omatupa yakotoka yeri monganda. Eye wina wanunisire okutja ovandu imba vazepewa nu omakotokero wo matupa wao mayeyandjera ozondekurona zao okuraisa kouye no hatoi mbu mau munika wo matupa nguzenawo momake wao kutja ohormende yo huuire yOvandoitji yatjitiye tjike.

Pombongarero indji, ndja haamene mu rimwe ro matuwo wozombongarero wOmbongerero yOtjiwana, wina pari o Ministera yOmitanda, Willem Konjore. Konjore nai wakuramwena ouyenda kehi rOvandoitji ohunga no matupa inga. Mapeundjirwa kutja matwaerere onguta yozombara indji ndji mazeyandja ko Kabineta orundu tjingetjo oyo wina yatanderwa ohoromende yOvandoitji.